



**Qaniginerpaasamik annasaqarsimanerup kingorna aaliasunnerup nalaani sulinngiffeqarsinnaanerup periarfissaalernissaa pillugu apeqquteqaat aallaavigalugu oqallinnissamik siunnersuut**  
(Inatsisartunut ilaasortaq Peter Olsen, Inuit Ataqtigii)

**Angajoqqaat meeqqaminnik 18-nik inorlugit ukiulinnik annasaqartillugit qaammatit arfinillit angullugit akissarsiaqartinneqarluni aliasuuteqarnermi sulinngiffeqarsinnaatitaanissaannut ilumut pisinnaatitaaffinngortissaneripput pillugu oqallisissiatut siunnersuut.**  
(Inatsisartunut Ilaasortaq Nivi Olsen, Demokraatit)

Qujanaq Inatsisartunut ilaasortamut Peter Olsen-imut aammalu Inatsisartunut ilaasortamut Nivi Olsen-imut siunnersuutitut, annasaqarnermi sulinngiffeqartarnek atuutilersitsisariaqarnerisugut pillugu, oqallinnermik aallartisisussanut.

Qularutissaanngilaq, qanigisamik annasaqarnek aammalu immaqa meeqqamik annasaqarnek artornartuummat. Pissusissamisuuinnarpoq inuppalaarnerullunilu, tassunga atasumik aliasunnermik eqqorneqartarnek. Aliasunneq inummiippoq, tamatta assigiinngitsumik atortagarput nammineq ileqqorput malillugu. Isumaqarpunga, pingaartuusooq aliasunnissamut imminut piffissaqarfiginissaaq inissaqartinnissarlu. Toqusumut ataqqinnissutitut aammalu imminut ataqqilluta.

Soorlu oqaatigereeringa aliasunneq inummiippoq, akuliuffigisariaqaranilu, inuit allat aliasunnertik qanoq atortarneraat. Uanga isinnit aliasunneq ilumoortortaqaranilu ajortortaqqanngilaq. Inummiiginnarpoq. Eqqarsaatigaara, qanoq artornartiginersooq meeqqamik annasaqarnek. Meeraq aatsaat inuunermut appakaateruttortoq, meeraarsernermilu aliasunneq takorloorsinnaavara artornarlunnartiginera. Meeqqanut sisamanut ataatatut, uanga nammineerlunga inuttut ajornerusumik takorluugaqarsinnaanngilanga. Taamaattumik kukkusutut ippoq, angajoqqaat, meeqqaminnik annasaqartut ullut arfineq-pingasut ingerlaneranni suliffimminnut utereersimasarnerat. Isumaqarpungalu, inuppalaarnerunngitsoq taamatut piumasaqassalluni. Ilimagaara, ikinnerpaat, aliasuut annertoqisoq ullut arfineq pingasuinnaat ingerlaneranni qaangersinnaagaat.

Taamaattumik annertunerusumik qimagaasut eqqarsaatigisariaqarpagut. Qimagaasut aliasuttut piffissamik eqqissisimanissamillu tunisariaqarpagut.

Taamaattumik isumaqarpunga, Naalakkersuisut siunnersuutit taakku marluk tunngavigalugit piareersaataasumik suliaq aallartittariaqaraat, inatsimmik eqqortumik qulakkeerinninniarluni annasaqarnermi sulinngiffeqartarnissap eqqunneqarnissaanut. Sulinermi tassani Naalakkersuisut peqataatittariaqarpat, kikkut annasaqarnermi sulinngiffeqarnissamut pisinnaatitaaffeqassasut, tassani toqusumut qanoq attuumassuteqarnek ilanngullugu annasaqarnermi sulinngiffeqarnissamut pisinnaatitaassagaanni. Taamaattumik Naalakkersuisut kajumissaarusuppakka pinasuartumik suleqqullugit,



**DEMOKRAATIT**  
DEMOKRATERNE

siunnersuut Inatsisartuni suliarineqarnissaminut piareersimaniassammat UPA 2024.

Tassalu oqallinnermut Demokraatit oqaaseqaatigallagaat.